

唯佛救世間 慈等無惡意 於諸衆生等
 能為最親厚 能於一解脫 分別說多種
 外道狂顛倒 橫分別種姓
 尔時大王說是偈已作禮而去

大莊嚴經論卷第八

十六末

君八

膜瞶音莫上不明也 瓌除疾愈也 椀烏管 膚
 翳一計反 毗坻下直反 蜂翅上也 椀反 管
 翼反 鎧反 憲法制上音獻 抗對拒上音 掉徒
 反 危脆下取反 閱頭悅上音 貌兒 如指下音 掉徒
 豫上七舍反 聞下正作 純淑下音 秉音 螯呼
 音釋 羯磨下上居去聲 稍刺丈上音 尺建兵車之一
 上也 下反 毼音 律步上音 麋鹿上音
 七亦反 毼音 律步上音 麋鹿上音
 鹿也 俾尼耕也 讒謗言上助銜反 諶言 類徒
 反 軸車音 竿二音 輕憊下音 斟酌音
 針鉢鉢音 錚下音 于其 蹠長 踰也

大莊嚴論經卷第九

君九

馬鳴菩薩造 姚秦三藏法師鳩摩羅什譯

復次瞋恚因緣佛不能諫是故智者應斷瞋
 恚我昔曾聞拘睺彌比丘以鬪諍故分為二
 部緣其鬪諍各競道理經歷多時尔時世尊
 無上大悲以相輪手制諸比丘即說偈言

比丘莫鬪諍	鬪諍多破敗	競勝負不息
次續諍不絕	為世所譏呵	增長不饒益
比丘求勝利	遠離於愛欲	棄捨家妻子
意求依解脫	宜依出家法	莫作不應作
應當以智鉤	迴於傲慢意	不適生鬪諍
怨害之根本	依止出家法	不應起不適
譬如清冷水	於中出熾火	既著壞色衣
應當修善法	斯服宜善寂	恒思自調柔
云何著是服	豎眼張其目	感眉復聚頰
而起瞋恚想	應當念彼服	剃頭作標相
一切皆棄捨	云何復諍競	如此之標相
宜應斷鬪諍		

時彼比丘合掌向佛白佛言世尊願佛怒亮
彼諸比丘輕憊於我云何不報即說偈言

彼之難調者 忍之倍見輕 生忍欲謙下

彼怒益隆盛 於惡欲加毀 猶如斧斫石

彼人見加毀 我亦必當報

尔時世尊猶如慈父作如是言出家之人應

勤方便斷於瞋恚設隨順瞋極違於理瞋恚

多過即說偈言

瞋如被利刀 割斷離親厚 瞋能殺害彼

如法順利者 瞋恚於出家 不應所住處

嫌恨如屠枷 瞋乃是恐怖 輕賤之屋宅

醜陋之種子 麤惡語之伴 燒意林猛火

示惡道之導 鬪諍怨害門 惡名稱牀褥

暴速作惡本

諸瞋恚者為他譏嫌之所呵毀汝今且當觀

如是過即說偈言

瞋劇於暴虐 如惡瘡難觸 毒虵難喜見

瞋恚者如是 瞋者睡亦苦 毀壞善名稱

瞋恚熾盛者 不覺已所作 及與他所作

於分財利時 不入其數中 若於戲笑處

眾人所不容 如是諸利處 由瞋都不入

瞋者叵愛樂 其事極眾多 常懷慚恥恨

雖以百舌說 說猶不可盡 舉略而說之

地獄中受苦 不足具論盡 瞋恚造惡已

悔恨身心熱 應當斷瞋競

尔時如來為諸比丘種種說法而其瞋忿猶

故不息以是因緣諸天善神皆生瞋恚而說

偈言

猶如濁水中 若置摩尼珠 水即為澄清

更無濁穢想 如來之人寶 為於諸比丘

隨順方便說 種種妙好法 斯諸比丘等

心濁猶不淨 寧作不清水 珠力可令清

不作此比丘 聞佛所說法 而其內心意

猶故濁不清 如日照世間 除滅諸黑闇

佛日近於汝 黑闇心過甚

如來世尊荷諸比丘如斯重擔有悲愍心復

更爲說長壽王緣而此比丘蹙眉聚頰猶故不休而作是言佛是法王且待須臾我等自知于時如來聞斯語已即捨此處離十二由旬在娑羅林一樹下坐作是思惟我今離拘睨彌闢諍比丘爾時有一象王避諸群象來在樹下去佛不遠合眼而往亦生念言我得

離羣極爲清淨佛知彼象心之所念即說偈言

彼象此象牙極長 遠離群象樂寂靜

彼樂獨一我亦然 遠離闢諍群會處

說是偈已入深禪定爾時諸比丘不受佛說

後生悔恨天神又忿舉國聞者咸生瞋恚唱

言叱叱時諸比丘各相謂言我等云何還得

君九

三

見佛當共合掌求請於佛即說偈言

我等違佛教 三界世尊說 瞋恚惡罪各

住在我心中 悔恨熾猛火 焚燒於意林

善哉悲愍者 願還爲我說 我今發上願

必當求解脫 從今日已往 終不違佛教

佛知諸比丘心之所念即說偈言

欲恚瞋所禁 惱亂不隨順 我今應悲愍

還救其苦難 嬰愚作過惡 智者應忍受

譬如人抱兒 懷中積糞穢 不可以糞臭

便捨棄其子

說是偈已從草敷起欲還僧坊爾時天龍夜

又阿脩羅等合掌向佛而說偈言

嗚呼有大悲 大仙正導者 彼諸比丘等

放逸之所盲 競忿心不息 觸惱於世尊

如來大悲心 猶故不肯捨 悲哀無瞋嫌

意欲使調順 如似強惡馬 捶策而令調

爾時如來既至僧坊光明照曜諸比丘等知

佛還來尋即出迎頭頂禮敬而白佛言我等

闢諍使多衆生起瞋忿心極爲衆人之所輕

賤我等今者皆墮破僧唯願世尊還爲說法

使得和合于時如來爲諸比丘說六和敬法

令諸比丘還得和合是故佛說斷於瞋恚

復次應當觀食世尊亦說正觀於食我昔曾

聞尊者黑迦留陀夷爲食因緣故佛爲制戒

佛說種種因緣讚戒讚持戒少欲知足行頭陀事佛集比丘僧讚一食法乃至欲制一食戒法時比丘僧咸各默然猶如大海寂默無聲時諸僧中有一比丘名婆多梨白佛言世尊草制是戒我不能持佛告比丘於過去生死為是飲食生死之中受無窮苦流轉至今乃往過去無量世時有四禽獸仙人第五介時鳥者作如是言諸苦之中飢渴最苦劫初之時光陰天下時有一天最初以指先嘗地味既嘗其味遂取食之介時彼天者今彼婆多梨是也即於彼時彼婆多梨先嘗地味今亦復介但為飲食彼婆多梨不為法故從座而起更整衣服白佛言世尊莫制一食法即說偈言

我今不能持 世尊一食戒 若一人不善 不應制此戒

一切比丘聞是偈已皆悉低頭思惟既久而作是言咄哉不見搏食過患為搏食故於大

眾中而被毀辱即說偈言

寧共塵食草 如虵呼吸風 不於佛僧前 為於飲食故 違佛作是說

佛告婆多梨聽汝擅越舍食半分食餘者持來在寺而食時婆多梨猶故不肯當介之時佛制一食戒第二第三亦如是請佛佛猶不肯即制戒婆多梨即離佛去極生悔心而說偈言

我違佛所說 云何舌不斷 云何地不陷 故復能載我 羅刹毗舍闍 惡龍及與賊 無敢違語者 為於飲食故 頑罵違佛語 寧以刀開腹 吞噉於疽蟲 土食以滿腹

云何為食故 乃違十力教 我今自悔責 喻如無心者

介時婆多梨說是偈已慚愧自責三月之中取不見佛自恚時近晝夜愁惱而自燒然羸瘦毀悴失於威德時諸比丘有慈心者深生悲愍即說偈言

居九

五

今諸比丘等 縫衣而洗染 不久當散去

汝莫後生恨 汝今速向佛 敬禮蓮華足

應向尊重處 盡力求哀請 深勤用功力

乃可得懺謝 婆多梨聞此偈已 哽噎墮淚復說偈言

世尊有所說 世皆無違者 由我愚癡故

敢違於佛語 我之極輕躁 眾中無慚愧

不見後時笑 為眾所惡賤 不思此過惡

輒作如是說 此事僧應作 及非我所請

由我無定心 卒發如是語 同梵行者聞此偈已 即欲請佛求哀懺悔 婆

多梨復說偈言

我今殷重心 求哀願得懺 慚愧當何忍

舉目視世尊 諸比丘等語 婆多梨言 世尊若有煩惱漏者

汝可怖畏 今佛世尊久斷諸漏 汝今何故畏

難不去 婆多梨復說偈言

我疑自罪過 如見淨滿月 無瞋容貌勝

三界慈哀顏 我今欲觀見 慈悲為我說

為愚癡所盲 而不受佛語 譬如人欲死

不服隨病藥 違失慈愍教 今受悔恨惱

諸同梵行者而語之言 可共我等詣世尊所

勸共見佛向佛說過時 諸比丘復問之言 汝

今決定懺悔 耶時婆多梨即說偈言

若我今禮佛 寧使身散壞 佛不使我起

我亦終不起 若佛與我語 身心皆滿足

今時婆多梨與諸比丘往詣佛所 時佛世尊

在大眾中 時婆多梨在於佛前 舉身投地而

說偈言

聽我懺悔過 人之調御師 體性悲愍者

我如強疾馬 越度調順道 假設不得食

眼陷頰骨現 枯竭而至死 寧受如此苦

不違於聖教 釋梵尊勝天 敬戴奉所說

我之愚癡故 不順於佛語

如來善知時非時等 及苦責數悉皆通達佛

告婆多梨 設有阿羅漢卧於糞穢汗泥之中

君九

六

我行背上於意云何彼阿羅漢有苦惱不婆
 多梨言不也世尊汝若得阿羅漢阿那含斯
 陀含須陀洹終不違教由汝凡夫愚癡空無
 所有喻如芭蕉中無有實廣說如修多羅時
 人謂婆多梨得阿羅漢聞佛說已知婆多梨
 是具縛凡夫諸比丘皆生不信聞彼不得阿
 羅漢如此貴族出家若不獲得阿羅漢者云
 何卑賤種姓尼提出家得阿羅漢佛欲使漏
 盡者便得漏盡若不欲使漏盡便不得漏盡
 佛知諸比丘心念告諸比丘若修舍摩他毗
 婆舍那必能盡漏若不修者不能得漏盡若
 知若見已雖生卑賤得羅漢果如婆多梨不
 知不見雖生勝族而不得阿羅漢是故如來
 平等說法而無偏黨
 復次狂逸之甚莫過貪欲是故應當勤斷貪
 欲我昔曾聞世尊往昔修行菩薩道時世
 空虛無佛賢聖出現於世尔時有王名曰光
 明乘調順象出行遊觀前後導從歌舞唱妓

往到山所嶮難之處王所乘象遙見特象欲
 心熾盛嗔吼狂逸如風吹雲欲往奔走不避
 岨嶮時調象師種種鈎斫不能令住時光明
 王甚大驚怖語使鈎斫不能禁制如惡弟子
 不隨順師象去遂疾王大驚迫心生苦惱意
 謂必死即說偈言

君力

七

如見虛空動	迅速道諸方	皆悉而來聚
昔見如輪動	大地皆迴轉	其象走遂疾
譬如山急行	諸山如隨之	巖谷澗中河
諸樹傷身體	王怖極苦惱	發願求山神
使我得安全	鈎斫傷身體	欲盛不覺苦
象走轉更疾	喻如於暴風	棘刺鈎斫身
并披山石傷	頭髮皆蓬亂	塵土極塗汗
衣服復散解	瓔珞及環釧	破落悉墮地
尔時大王語調象師言如我今者命恐不全	復說偈言	
汝好勤方便	禁制令使任	我今如在秤
低昂墮死處		

尔時象師盡力鈎斷不能禁制數數歎息顏色慚取淚下盈目俾面避王不忍相見復語王言大王我今當作何計即說偈言
盡力誦象呪 古仙之所說 鈎斷勢力盡 都不可禁制 如人欲死時 呪術及妙藥 越度必至死 良藥所不救

尔時大王語象師我等今者墮於是處當作何計象師白王更無餘方唯當攀樹王聞是語以手攀樹象即奔走逐於特象象既去後導從諸人始到王所王即徐步還向軍中尔時象師尋逐象跡經於多日得象還軍時王在大眾中象師乘象向於王所時王瞋忿而作是言汝先言象調順可乘云何以此狂象而欺於我象師合掌而白王言此實調順王若不信我今當現象調順之相使王得知尔時象師即燒鐵丸以著其前尔時彼人語象吞丸時王不聽語彼人言汝說調順云何狂逸象師長跪合掌而白王言如此狂逸非我

所謂王語之曰為是何過非汝所謂彼即白王象有貪欲以病其心非我所治大王當知如此之病杖捶鈎斷所不能治貪欲壞心亦復如是即說偈言
欲為心毒箭 不知從何生 因何得增廣 云何可得滅

王聞貪欲不可治療語象師言此貪欲病無能治耶象師答言此貪欲病不可擁護捨而不治即說偈言

當作諸方便 勤求斷欲法 不知其至趣 懷精勤退還 棄捨五所欲 出家修苦行 為斷欲結故 應精勤修道 或有恣五欲 言導足自斷 若干種作行 望得遠離欲 如是等處處 望拔欲根本 欲求難可拔 人天阿脩羅 夜叉鳩槃荼 一切有生類 微細心欲羅 繫縛諸衆生 迴轉有林中 無由能自拔 王聞貪欲不可斷故甚生恹惑即說偈言

無有能斷滅 如此欲惡者 乃無有一人
 能滅貪欲耶 人天中乃無 能滅此欲乎
 尔時象師而荅王言轉從他聞唯佛世尊世
 界大師有大慈心一切衆生悉皆如子身如
 真金大人之相以自莊嚴有自然智知欲生
 起滅欲因緣有無礙心悲愍一切時王聞佛
 大人之聲即起合掌如華未敷於大眾前發
 大誓願我以正法護於國土及捨財施以此
 功德願我未來必得成佛斷除衆生貪欲之
 患以何因緣而說此事衆生不知欲因緣及
 對治故說是修多羅
 復次佛觀君六久後使得信心故九不卒為事我昔
 曾聞尊者優波毘多林下坐禪時魔波旬以
 諸華鬘著其頂上尔時尊者從禪定起見其
 華鬘在其頂上即入定觀誰之所為知是魔
 王波旬所作即以神力以三種死屍繫魔王
 頸時彼魔王覺屍著頸遙見尊者知是所作
 尔時尊者即說偈言

華鬘嚴飾具	比丘所捨離	死屍極臭穢
受欲者馱惡	佛子共捕力	戰諍誰能勝
我今是佛子	捨棄汝華鬘	汝若有力者
除去汝死屍	大海濤波流	無能禁制者
唯有鐵圍山	水觸則迴返	
尔時魔王聞是語已欲去死屍雖盡神力不		
能去如蚊蟻子欲動須彌山王雖復竭力		
亦不能動時魔波旬不能却屍尋即飛去而		
說偈言		
若我不能解	使餘諸勝天	威德自在者
其亦必能解		
尔時尊者復說偈言		
帝釋及梵天	無能解是者	設入熾然火
及在大海中	不焦亦不爛	如此屍著汝
不乾不朽壞	所在隨逐汝	無能救解者
摩醯首羅天	及以三天王	毗沙門天王
乃至到梵天	如是諸天等	雖復盡神力
無能為解者		

尔時梵天王見魔盡力不能却屍而告之言
汝莫生憍慢即說偈言

十力之弟子 以己神通力 由汝輕弄故

今故毀辱汝 誰當有此力 而為汝解者

猶如大海潮 無能制波浪 譬如以藕絲

用以懸雪山 雖盡我神力 不能為汝脫

我雖有大力 不及彼沙門 如似燈燭明

不如大火聚 火聚雖復明 不如日之光

魔王聞斯偈已語梵天言我當依誰可脫此

患梵天說偈以荅魔言

汝速疾向彼 求哀而歸依 神通樂名聞

汝盡敗壞失 如似人跌倒 扶地還得起

魔作是念如來弟子梵等勝天力無及者乃

為諸梵之所推敬魔說偈言

佛之弟子等 梵王所尊敬 况復如來德

云何可格量 我極作惱亂 猶故忍悲愍

而故不為我 作諸衰惱事 能忍護惜我

何可得稱說 我今始知佛 真實大悲者

體性極悲愍 不生怨憎心 身如金山王

光明踰於日 愚癡冥我心 皆作惱亂事

彼精進堅實 未曾有虛語 恒常見悲愍

令我心不悅

尔時欲界自在魔王而作是言遍觀三界無

能解者我今唯還歸依尊者乃可得脫作是

語已向尊者所五體投地頂禮足下作如是

語大德我於菩提樹下乃至造作百種諸惱

以亂於佛猶不苦我即說偈言

婆羅聚落中 婆羅門村邑 瞿曇來乞食

我今空鉢去 即日不得食 然不加毀我

我曾作惡牛 并及毒蛇身 五百車濁水

令佛不得飲 皆知是我作 不曾出惡言

我所作既少 汝極毀辱我 人天阿脩羅

一切皆輕憊 毀我壞名稱 以屍苦惱我

尔時尊者告魔王言汝今者不善惡物云何

聲聞比世尊即說偈言

云何以葶藶 用比於須彌 螢火之微明

以比於日光 一掬之少水 比方於大海
 佛有大悲心 聲聞無大悲 如來以大悲
 恕汝種種過 我亦隨佛意 欲生汝善根
 尔時魔王聞斯語已復說偈言
 聽我說佛德 福利威光盛 彼之所有分
 斷諸愛欲者 忍辱不起嫌 我以愚癡故
 日日常觸惱 如母愛一子
 優彼邇多語 彼句言汝聽我語於如來所數
 作諸惡欲得洗除生諸善根無過念佛世尊
 最上即說偈言
 如是因緣故 知佛見長遠 未曾於汝所
 生於不愛心 彼第一智尊 欲成汝信心
 常發親愛語 看者少生信 便得涅槃樂
 今我略為汝 說法愚癡冥 黑闇之過患
 汝今生信故 則能洗除盡
 尔時魔王身毛皆豎如波曇花種種起觸惱
 猶如子作過父猶愛之心過大地忍不曾見
 過責是彼仙中勝若少信佛洗除前過時彼

魔王在尊者前念佛功德礼尊者足作如是
 言尊者救我與我敬心汝當發心却我頭懇
 我雖惱觸願起慈心為我除捨尊者答言共
 汝作要後乃當脫魔言何等是言要尊者答
 言汝從今日莫惱比丘魔即白言我更不惱
 觸汝之所知佛去百年始有我出即說偈言
 三界之津際 我見彼法身 不見金色身
 不惱為我現 示我佛形相 我今極希望
 愛於如來形
 尔時魔王語尊者言我亦作要誓汝若見形
 莫為卒禮以一切種智順莫禮我我作佛相
 慎草為禮即說偈言
 以謙敬念佛 為我作禮者 則為燒滅我
 我有何勢力 能受離欲敬 喻如伊蘭牙
 為象鼻所押 破壞無所住 我若愛敬者
 其事亦如是
 尊者答言我不歸命汝亦不負言要魔復語
 尊者言待我須臾間即入空林中而說偈言
 君力
 十三

我先或手羅 現金熾盛身 佛身不思議
 我作如是形 身現熾光明 喻過於日月
 悅樂眾人目 明如飲甘露
 尊者答言汝今為我如先好作魔答言諾我
 今當作即為却屍今時魔王即入空林現作
 佛形如作伎家種種自莊嚴如來之色貌現
 於大人相能生寂滅眼喻如新畫像當作開
 發時莊嚴於此林看視無厭足圓光一尋化
 作佛形舍利弗侍右目連處左阿難隨後執
 持佛鉢
 尊者摩訶迦葉阿尼盧頭須菩提如是等諸
 大聲聞千二百五十人侍佛左右猶如半月
 現佛相貌向尊者優波鞠多所尊者見佛相
 貌極生歡喜即從座起觀佛形相咄哉惡無
 常無有悲愍心妙色金山王云何而破壞牟
 尼身如是為無常所摧滅今時尊者作觀心
 其意欲擾亂我今實見佛常如蓮華而作如
 是言嗚呼盛妙色不可具廣說即說偈言

面過蓮華敷 目如青蓮葉 身形殊特妙
 相好過於月 甚深喻如海 安住如須彌
 威德過於日 行過師子王 眼瞬如牛王
 色殊於真金
 今時尊者倍生喜敬大喜充滿轉增歡喜即
 說偈言

君九

嗚呼清淨業 獲是美妙報 業緣之所得
 非是現作業 百千億劫中 身口作淨行
 修施及戒忍 并禪與智慧 決定作正行
 以是自莊嚴 眾人眼所愛 清淨無垢穢
 現是形相時 怨家皆歡喜 況我於今日
 而當不愛敬

如是思憶唯作佛想不念於魔即從座起五
 體投地而為作禮魔時即驚作如是言大德
 何故違要尊者言作何言要魔言先要莫禮
 今何故禮尊者從地起即說偈言
 眼所愛樂見 擬心禮於佛 我今實不為
 恭敬禮汝足

余時魔王言汝五體投地為我作禮云何說
 言我不敬汝尊者語魔言我不敬禮汝亦不
 違言誓喻如以泥木造作佛像世間人天皆
 共禮敬余時不敬於泥木欲敬禮佛故我禮
 佛色像不為禮魔形聞是語已還復本形禮
 尊者足還昇天上以何因緣而說此事諸大
 聲聞等欲使諸檀越並供養眾僧令不所乏
 又令比丘亦聞法奉行以是故應為四眾說
 法若欲讚佛者應當作是說雖斷欲結使不
 覺為作禮

大莊嚴論經卷第九

君九

拘睠下於葛 傲慢上音不 嗔上音不 亮上音不 搏食上音不 噎上音不 擘上音不 擗上音不 策上音不 頰上音不 強上音不

全上音不 散解上音不 俾面上音不 趺上音不 葶上音不 塵上音不

君九

大莊嚴經論卷第十

君十

馬鳴菩薩造

姚秦三藏法師鳩摩羅什譯

復次若人讚佛得大果報為諸眾人之所恭
 敬是故應當勤心讚敬我昔曾聞迦葉佛時
 有一法師為眾說法於大眾中讚迦葉佛以
 是緣故命終生天於人天中常受快樂於釋
 迦文佛般涅槃後百年阿輸伽王時為大法
 師得羅漢果三明六通其八解脫常有妙香
 從其口出時彼法師去阿輸伽王不遠為眾
 說法口中香氣達於王所王聞香氣心生疑
 惑作是思惟彼比丘者為和妙香含於口耶
 香氣乃余作是念已語比丘言開口時比丘